



БУТУН ДУНЁ  
ТИНГЛАЁТГАН  
ҚАСИДА

Нозм | 8 с



«ОЛТИН ХАЛҚА»  
«ЗАРГАРЛАРИ»НИ  
УЙҚУ БОСЯПТИ...

Туризм | 6 с



НЕГА АЁЛ  
ЖИНОЯТ  
КЎЧАСИГА  
КИРМОҚДА?

Муносабат | 4 с

INSON O'ZGARSA - JAMIYAT O'ZGARADI

ЎЗБЕКИСТОН «МИЛЛИЙ  
ТИКЛАНИШ» ДЕМОКРАТИК  
ПАРТИЯСИНING  
ИЖТИМОЙ-СИЁСИЙ  
ГАЗЕТАСИ



# milliy tiklanish

№ 41 (1091) 2020 йил 28 октябрь, chorshanba

1995 йил 10 июндан чиқа бошлаган www.mt.uz / mtiklanish@mail.ru / mtiklanish@bk.ru



ЎЗБЕКИСТОН «МИЛЛИЙ ТИКЛАНИШ» ДЕМОКРАТИК  
ПАРТИЯСИНING ОЛИЙ МАЖЛИС ҚОНУНЧИЛИК ПАЛАТАСИДАГИ  
ФРАКЦИЯСИ ЙИҒИЛИШИДА «ИЛМ, МАЪРИФАТ ВА РАҚАМЛИ  
ИҚТИСОДИЁТНИ РИВОЖЛАНТИРИШ ЙИЛИ» ДАВЛАТ  
ДАСТУРИНИНГ УЧИНЧИ ЧОРАҚДАГИ ИЖРОСИ ЮЗАСИДАН  
ВАЗИРЛАР МАҲКАМАСИНING ҲИСОБОТИ ЭШИТИЛДИ

## МУРОСАСОЗЛИК ҚИММАТГА ТУШАДИ

Ўзбекистон «Миллий тикланиш» демократик  
партиясининг Олий Мажлис Қонунчилик пала-  
тасидаги фракцияси аъзолари «Илм, маърифат  
ва рақамли иқтисодиётни ривожлантириш

йили» Давлат дастурининг учинчи чорақда-  
ги ижроси юзасидан Вазирлар Маҳкамаси  
ҳисоботини эшитдилар.  
Дастлаб Ўзбекистон Мактабгача таълим,

Халқ таълими ва Соғлиқни сақлаш вазирлиги  
тизимда амалга оширилган ишлар кўриб  
чиқилди.

Давоми 2-бетда

Ўзбекистон Республикаси Президентининг «Мамлакатимиз таълим-тарбия тизимини янада такомиллаштириш, илм-фан соҳаси ривожини жадаллаштиришга оид қўшимча чора-тадбирлар тўғрисида»ги Фармони лойиҳаси «Миллий тикланиш» демократик партияси аъзолари томонидан муҳокама қилинмоқда.

3 с

### МИЛЛИЙ ТЕСТ ТИЗИМИ НИМА УЧУН КЕРАК?

Мамлакатимизда ўқувчиларнинг умумтаълим фанларини ўзлаштириш даражасини янада яхшилаш муҳим вазифалардан бири. Ўзбекистон Республикаси Вазирлар Маҳкамасининг жорий йил 12 октябрдаги «Умумтаълим фанларини билиш даражасини баҳолашнинг миллий тест тизимини жорий этиш тўғрисида»ги қарори бу борада муҳим ҳужжат бўлди. Шу ўринда савол туғилади: умумтаълим фанларини билиш даражасини баҳолашнинг миллий тест тизимини жорий этиш бизга керакми? Албатта. Чунки миллат келажаги ёш авлод кўлида бўлиб турган бир пайтда уларнинг эртанги кунини, таълим-тарбиясига эътибор ҳар қачонгиданда долзарб. Бу борада эртамиз эгаларининг фанларни ўзлаштириш даражасини билиш, салоҳиятини баҳолаш, қизиқишини аниқлаш муҳим аҳамият касб этади. Қарорга асосан, айнан ўқитиш сифати ва ўқувчиларнинг салоҳиятини баҳолаш мақсадида «Билим ва кўникмаларни баҳолаш маркази» нодавлат таълим ташкилоти ташкил этиш кўзда тутилган. Марказ зиммасига қуйидаги вазифалар юклатилган: – халқаро эътироф этилган баҳолаш методикасидан келиб чиққан ҳолда, умумтаълим мактабларида таълим сифатини баҳолашнинг замонавий усулларини ишлаб чиқиш;

Давоми 4-бетда

## ДЕПУТАТ

«АЁЛЛАР ДАФТАРИ»ГА

КИРИТИЛГАН НАФИСАГА  
ОРДЕР ОЛИБ БЕРДИ. ВА...

5 с

## БУХОРО ТУМАНИ ПРОКУРОРИ ДЕПУТАТ СЎРОВИГА КЎЗ ЮМЯПТИ!..

Ўзбекистон «Миллий тикланиш» демократик  
партияси Марказий кенгаши раиси Алишер  
Қодиров партиянинг парламентдаги фракцияси  
маҳаллий кенгаш депутатларининг асосий  
«қурол» эканини, халқ депутатлари Бухоро туман  
Кенгаши депутати Умид Собировнинг мулоҳазаси  
бўйича эса ҳатто Бош прокуратура ҳам маълумот  
киритишга тайёр эканини билдирди.

Келгуси сонларда

6 с

## АСЛИДА КИМ АСЛ БОСМАЧИ ЭДИ?



Эркинжон ТУРДИМОВ:  
ҲОКИМЛАР,  
СЕКТОР  
РАҲБАРЛАРИ МАКТАБНИНГ  
ШАКЛИГА, ДИРЕКТОР ЭСА  
МАЗМУНГА ЖАВОБ БЕРАДИ

4 с

СУДЬЯ НЕГА  
АДОЛАТСИЗЛИК  
ЙЎЛИНИ ТАНЛАДИ?

6 с









Яхшилар масъулият билан иш қилишлари учун қонунларга муҳтож бўлмайдилар. Ёмонлар қонунларга چاپ бериш учун йўл топадилар.

Афлотун

Давоми. Бошланиши ўтган сонда

# Жулдур Чопонли «Жирол»



Маълумки, бир жойга мушт тушаверса, зарбага қарши акс таъсир уйғониб, ўша жой ҳам чидамли ҳам қотиб бораверади. Мабодо у ҳаракатдаги куч бўлса, ўзини ҳимоя қилиш учун маҳкам туради, шу баробарда ҳам характери чинқиради, ҳам касб малакасини ошириб боради. Шундай қилиб, бесабаб зарба урадиганлар ўзлари сезмаган ҳолда ўзларига душман (рақиб) тайёрлайдилар. Рақиб бўлиб танилиш, яъни қарши курашишга тушиш учун ўша зарбаларни жисмда мужассамлаштирадиган (синтезлайдиган) қувват лозим, билъақс, ўша қувват ишламаса, калтаклар тушган жойини ё тешиб юборади, ё йиқитади. Зарба олганни «ўлдирмай» сақлаб қолган ўша қувватни ирода дейишади. Унда ирода ота насиҳати, оиланинг пок муҳити ва армияда кўрган, кеңирган воқеликлари эврилишларида роса тобига келганди. Бошидаги дўпписи эса эътиқодда собит бўлишга ундарди. Ҳатто у зарбалар олишдан завқланадиган, оқизларнинг жиззакилиги мансабини пеш қилиб, човут солишлардан куч оладиган тоифа кишилари («стоиклар») га ўхшаб қолаётганди. Бу ҳислар ботинда эди, зоҳирда эса у яхши мутахассис эди.

Яхши мутахассисларга ҳар доим талаб кучли бўлган. Сув хўжалиги вазирлиги тизимига ишга кирди. Ҳам обрўли, ҳам масъулиятли жой. Телефондан ташқари ҳаво алоқаси, радиостанциялар орқали боғлиқлар йўлга қўйилган. Олти йил давомида бирон марта узилиш бўлмади, дея олади. Бутун меҳрини, зеҳнини бериб ишлади. Шу жойда қадрини топганини мамнуният билан эслади. Бир кун вазир Исмоил Жўрабеков чақириб қолди (бу одамга у эркин эди, ишончини оқлаганди-да). Ён тарафдаги столда тўрт-беш киши гаплашиб ўтирибди. «Қани, менинг ўрнимга ўтиринг-да, барча радиостанциялар билан алоқага чиқинг-чи, ҳаммаси хушёрмикан?» деб топширик берди. Вазирнинг креслосига ўтиришга қимтиниб турган оддий ходимга «Тортинмай, ишингизни қилаверинг» деди-да, суҳбатга киришиб кетди ўзи. Бу масъул топшириқдан олдинги сўнги синов экан. Уммонга яқин бўлган Гвения давлати шолчиликни ривожлантириш учун Иттифоқдан ёрдам сўраган, ўзбекистонлик қирқдан зиёд мутахассис шу давлатда фаолият кўрсатаётган экан. Мутасил алоқани йўлга қўйиш учун у учта радиостанцияни

муваффақиятли ўрнатди ва уларнинг ишига кўз-қулоқ бўлиб тура бошлади. Ҳаёт жуда қизиқ эди, бутунлай унга таниш бўлмаган дунё. Одамлар «тандирнинг тагига жуда узоқ қолиб кетган»иданми, кўмирдек қора, мамлакат табиатида икки фасл – қурғоқчилик ва намгарчилик ҳукмрон. Мусулмон динига эътиқод қилишади. Аммо ҳаёт ҳамма жойдагидек бир хил. Уларда порасиз иш битмайди. Бу борада бизнинг ишқалларимиз ҳам етиб борганди. Не ҳолки, шолкорлар гуруҳига раҳбар бўлиб борган агроном таниш-билиш орқали «ўқимай диплом» олган эркатойлардан экан (мумай даромад учун боргандир-да), худди қарама-қарши зарядлардек бир-бирини осон топишди (ўзи, шундай бўлади: қаллоб одамнинг турки ҳам, хатти-ҳаракати ҳам бир қарашдаёқ ҳалол одамга, бу томоннинг «тоза»лиги у томонга бирдан ёқмай қолади). Гаплари чиқишмай қолди, сохта одамларни қабул қила олмасди. Унинг дўпписи бор эди, Ташкентдан олиб келганди. Йиғинларда кийиб чиқса, ҳамма қизқар, бир ушлаб кўришга хавасманд бўларди. Очиғи, агрономнинг олифталлиги унга ёқмасди. Мана бу воқеа охиригиси бўлди: бир

сафар ўзбекча қилиб палов тайёрлашди. Гуруч кўпроқ ташланган эканми, анчаси ортиб қолди. У шу атрофда сўлаги оқиб юрган оч бола-ларга бир лаган ош берди. Шунга раҳбар кўриб қолди ва «Сен йуриқнома талабларини буздинг, изинга қайтариб юбораман», деб туриб олди. Марказдан жавоб келиши керак, кунлар азоб билан ўта бошлади. Шу орада уларнинг эккан шоли уруғи чириб кетиб (билими говлаган агроном ер шароитини билмай, уруғни чуқур ташлаган экан), шоли униб чиқмади ва маҳаллий газетасида фельетон эълон қилинди. Бу ёмон шармандалик эди. Гуруҳнинг ҳаммаси чақириб олинди. У эса ишини давом эттираверди. Яна бир синовдан тақдирнинг ўзи ютуқ билан сийлади. Икки йилга яқин ишлаб, юзи ёруғ бўлиб қайтди. Бу ёғи билим юртида устозлик, автобус бекатида электрлик, шунақа юмушлар билан умр давом этди. Орада бир ўсал бўлиб ётиб қолди. Куннинг бир пайтида ваража келади, қоқшоқ, бадан оловда ёнади, ҳарорат қирқ бир. Манаман деган ҳақим на доловайди, на диагноз кўяди. Охири бир тажрибали фельдшер «малария» деди, шундай бўлиб чиқди. Иккита укол билан қоқшоқ йўқолди-ю, узоқ даволанишига тўғри келди. Шунда халқ табобатига мурожаат қилди ва ҳақиқий шифони ундан топди. Ўзим, китобларнинг тит-питини чиқариб юборди. Айниқса, Тибет ламаларининг жисмоний тарбияси уни қизиқтириб қолди.

Турли жисмоний ва руҳий машқлар орқали физиологик фаолиятга таъсир кўрсатиш йоғларда ҳар бир одамга хос маҳфий ҳаётий куч мавжудлигига бўлган ишончга асосланган. Бу куч (қундалини деб аташади) қадимий ҳинд табобатига кўра, одамнинг энг муҳим асаб марказларидан бири жойлашган умртқа погонасининг пастки қисмида гужанак бўлиб олган илон каби мудраб ётар эмиш. Жисмоний машқлар бу кучни уйғотиб юборгач, у тананинг юқори қисмларига кўтарилиб, ҳаётбахш куч (уни пранина деб юритишади) билан бирлашармиш ва одамга фавуқлодда куч-қувват бағишлармиш. Бу даражага етишган одам мутлақ руҳ билан туташа олади ва баданига кирган зиррачани нигоҳи билан чиқариб ташлашга қодир бўлади. Бу таълимот ва унга амал қилишнинг бошланғич натижаси касал вужудига қувватни қайтарди, машқлар орқали мутлақ руҳга етишишга интилишни қанда қилмади. Турмуш тарзида, еб-ичишда темир интизом ҳукмронлик қилди. Ичиш-чекишдан бир умр итдан қочгандек қочди. Шу билан ўзини озод сезди, эркин бўлди. Ҳамон шу кайфият ва эътиқодда.

Маҳаммадҷон Турғунбой ўғли Маҳкамов ўтган йўлларига совуққон назар ташлайди. Ўзи бўлган мамлакатлар: Ҳиндистон, Туркия, Малайзия, Сингапур, Таиланд таассуротларини эслади – сафар қилишни яхши кўради. Йиллар уни роса чийратган, ҳатто зарбалар тошга айланган, деса ҳам муболага бўлмайди. Фақат эътиборлиси, қалби таъсирчан, ҳамон яхшиликдан завқланиб, ёмонликка дуч келса, титраб кетади. «Бу ҳислатлар қон билан кирган, жон билан чиқади», дейди у қатъий. Шундай тарбия берган отасидан миннатдор,

## Зардуна «Аёллар дафтари»га киритилган Нафисага ордер олиб берди. Ва...

Халқ депутатлари Андижон вилоят Кенгаши депутати Зардуна Исмоилова Ёриқшўқ худудидаги «Ғалаба» МФИда «Аёллар дафтари» ҳамда «Ёшлар дафтари» қандай шакллантирилганини ўрганаётганда олти йилдан буён «диск чурраси оғир яллиғланиши» ташхиси билан азият чекаётган фуқаро Нафиса Юлдашева билан ҳам суҳбатда бўлди.

Малум бўлишича, Н.Юлдашева даволаниш учун кунига 1,5 млн. сўм маблағ сарфлар, аммо кейинги пайтда кўли калталик қилиб, маҳалла раисидан ёрдам сўраб чиққан экан. Депутат Нафиса Юлдашеванинг оилавий шароити билан танишгач, туман соғлиқни сақлаш бўлими ва худудий оилавий поликлиникага мурожаат қилди. Натижада олти

йилдан бери минг азобда даволанаётган Нафиса Юлдашевага муолажа учун бепул «Ордер» берилди. Айни кунларда эса Зардуна беморни Андижон тиббиёт институти қошидаги клиникага олиб бориб, даволаниш жараёнларидан хабардор бўлиб турибди экан.

ЎзМТДП Андижон вилоят кенгаши ахборот хизмати

### Кутинг!



## ЖИРИНОВСКИИГА «ГОЯ» УЛАШАЁТГАН КИМ?

Жаҳон жамоатчилиги кучли ва кучсиз давлатлар, манфаатлар туқнашуви, демократия ниқоби остида ўз мақсад ва муддаоларини илгари сураётган томонларнинг хатти-ҳаракатлари ҳамда кейинги пайтларда кўпчилик эътиборини тортаётган мавзу – айрим сиёсатдонларнинг СССРни қайта тиклаш ҳақидаги алаҳсирашларига гувоҳ бўлди.

Келгуси сонларда

Ҳақим САТТОРИЙ





